

Skatterådimit najoqutassiaq

Pillugu: Nioqutissaatinik kisitsineq naliliinerlu.

Ullumi naatsorsuutit inaarneqarfianni imaluunniit ulloq taanna sioqutitsiarlugu kingoqutitsiarluguluunniit nioqutissaatit kisinneqassapput.

Naatsorsuutit inaarneqarfiat sioqutitsiarlugu kingoqutitsiarluguluunniit kisitsineqarsimappat naatsorsuutit inaarneqarfiannit kisitsivimmut nikingassutaasuni nioqutissat pisiarinqarsimasut tuneqarsimasullu naqquutigineqassapput. Nioqutissanik naliliineq periaatsit ataani taagorneqartut arlaat atorlugu pisassaaq.

Ukiup naatsorsuiffiup naanerani akiusut.

(akiusut (dagpris) paasineqassaaq ukiup naanerani pisiarinerani (faktura imaluunniit indkøb) akiusoq).

Pisiarinerani akiusut angallanneranut, akitsuutitut assigisaanullu aningaasartuutaasut ilanngullugit.

Suliarinerani akiusut, nioqutissat nammineq tamakkiisumik ilaannakortumilluunniit suliarineqarsimappata.

(Suliarinerani akiusunut ilanngunneqassapput aningaasartuutit nioqutissiarineranorpiaq tunngasut, soorlu sulisut akissarsiaat angalaneralu).

Naatsorsueriaatsit allat, tassaappata akigitinneqartut imm. 1. - 3.-p akornaniippata.

Nioqutissaatit assigiinngitsukkuutaajuppata immikkoortukkuutaanut periaatsit qulaani taagorneqartut sisamat ataasiakkaarlugit arlaat naleqqunnerusoq atorneqarsinnaavoq.

Nioqutissaatit tuniuminaallisimasunik ilaqarpata taakku tuninerani akigisinnaagunagaat naligitinneqarsinnaavoq.

(Nioqutissanik tuniuminaallisimasunik paasineqassaaq nioqutissat moderniujunnaarsimasut allatulluunniit tuniuminaallisimasut, tuniarnianilu akigitinneqartoq pisiarinerani akiusumik minnerussangatinneqartoq).

Naatsorsuinermi allattuiffinnit (nioqutissaatinut allattuiffinnit) takuneqarsinnaassaaq naatsorsueriaaseq (-tsit) sorleq (-iit) atorneqarsimanersoq (-sut).

Ukiup naanerani nioqutissanik naliliineq ukiup tulliusup aallartinnerani nioqutissanik taakkuninnga naliliinermi atorneqassaaq.